



TEKS UCAPAN
**MAJLIS PERASMIAN KONVENSYEN
MARI BELAJAR PERINGKAT NEGERI
MELAKA 2008**

**YG. BERTHORMAT SENATOR TAN SRI DATO' SERI MUHAMMAD BIN
MUHAMMAD TAIB**
MENTERI KEMAJUAN LUAR BANDAR DAN WILAYAH

DEWAN MAHKOTA, SEKOLAH MENENGAH KEBANGSAAN SERI MAHKOTA
UMBAL, MELAKA
5 JULAI 2008
11.15 pagi

Yang Berusaha Saudara Pengerusi Majlis

Yang Berbahagia Dato' Mohammad Izat Hasan
Ketua Pengarah RISDA

Yang Bert hormat Datuk Mohamad Hidhir bin Abu Hassan
Pengerusi Jawatankuasa Pembangunan Desa dan Pertanian
Negeri Melaka

Tn. Hj. Sukiman bin Sulong
Pengarah RISDA Negeri Melaka merangkap Pengerusi Jawatan
kuasa Induk Konvensyen

Tn. Hj. Osman Derus
Pengerusi JKKK Kg. Pulai serta semua AJK

Ketua-Ketua Jabatan dari Jabatan Ketua Menteri, KEMAS, FELCRA, JHEOA, MAIM, Jabatan Penerangan, Pejabat Daerah Jasin serta Pengetua SMK Seri Mahkota

dan seterusnya tuan-tuan dan puan-puan penduduk Kg. Pulai yang dikasihi sekalian.

3

Assalamualaikum Warahmatullahi Wabarakatuh

1.0 PENGHARGAAN

Syukur Alhamdulillah, sekali lagi dapat kita berkumpul pada hari ini untuk Majlis Perasmian Konvensyen Mari Belajar peringkat Negeri Melaka 2008. Saya berharap Dato'2, Tuan-tuan dan Puan-puan dalam keadaan sihat walafiat dan sentiasa dilindungi oleh Allah SWT dalam usaha kita untuk menjalankan tugas dan tanggungjawab kita.

4

Setinggi penghargaan dan tahniah kepada Jawatankuasa Induk Konvensyen khususnya Kerajaan Negeri Melaka, RISDA serta JKKK Kg. Pulai kerana mengaturkan satu Majlis ilmu seumpama ini yang begitu berfaedah kepada masyarakat luar bandar di lapangan yang menjadi kumpulan sasar Kementerian Kemajuan Luar Bandar dan Wilayah. Ini selaras dengan hasrat kerajaan yang mahukan rakyat berilmu, berpengetahuan dan berwawasan untuk meneruskan pembangunan Negara ke puncak kejayaan.

2.0 TUJUAN KONVENSYEN

Konvensyen Mari Belajar merupakan satu initiative Kementerian Kemajuan Luar Bandar dan Wilayah untuk memantapkan pelaksanaan Kempen kesedaran di kalangan ibu bapa mengenai pentingnya sokongan mereka dalam menjayakan pelajaran anak-anak semasa di rumah dengan mendampingi mereka serta mengulang kaji pelajaran. Untuk makluman Tuan-tuan dan Puan-puan, Konvensyen ini dilaksanakan secara menyeluruh disetiap negeri.

Tujuan utama Konvensyen adalah untuk memupuk kesedaran, meluaskan pengetahuan dan meningkatkan kemahiran ibu bapa luar Bandar untuk menjadi pemudahcara pembelajaran anak-anak di rumah. Peranan dan pendekatan yang akan dimainkan oleh ibu bapa di rumah selepas ini adalah sebagai Jurulatih, pemantau dan Pemerhati dalam pelajaran anak di rumah.

Memang telah menjadi budaya orang-orang Melayu, segan berbincang dengan anak-anak mengenai proses perubahan yang mereka sedang lalui. Apa-apa ilmu yang mereka perolehi, mungkin datangnya sebahagian besarnya dari rakan sejawat, sedikit-sedikit

7

daripada guru-guru dan mungkin juga dari buku-buku atau majalah-majalah yang tidak harus mereka baca. Anak-anak kita sekarang begitu terdedah dengan gejala-gejala social yang menuntut satu pendekatan yang bijaksana daripada kita. Sabda Rasulullah, 'Jangan kamu mengajar anak kamu seperti kamu diajar kerana dunia anak kamu adalah begitu asing daripada dunia kamu' Sabda Baginda lebih seribu tahun dahulu amat relevan kepada kita pada hari ini. Kitalah yang menjadi penentu terhadap masa depan kita. Kita yang mengambil keputusan jalan mana yang hendak dilalui

8

3.0 PEMBANGUNAN MODAL INSAN

Pihak kerajaan telah melihat bahawa salah satu faktor yang menjadi penyumbang utama terhadap kesejahteraan dan pembangunan keluarga masyarakat luar bandar adalah elemen pendidikan yang berterusan. Kementerian Luar Bandar dan Wilayah sentiasa perihatin dalam usaha untuk membangunkan modal insan masyarakat luar bandar. Oleh yang demikian Kementerian telah menyahut seruan kerajaan yang ingin membangunkan masyarakat luar bandar melalui saluran pendidikan bagi membentuk dan mewujudkan masyarakat luar bandar yang berjaya. Bukan setakat pelajaran anak sahaja,

9

bahkan kita juga perlu sentiasa meningkatkan ilmu pengetahuan, seperti sabda Nabi ' Belajarlah sehingga ke negeri Cina'. Berbagai-bagai cara boleh digunakan bagi meningkatkan pengetahuan dan ilmu kita, seperti menghadiri kursus-kursus dan seminar. Tetapi ini tidak cukup untuk membawa tuan-tuan dan puan-puan ke tahap kemajuan yang lebih tinggi. Meningkatkan ilmu melalui membaca buku-buku, jurnal-jurnal dan berbagai makalah adalah satu cara yang sangat efektif bagi meningkatkan pengetahuan kita. Selaras dengan zaman ICT ini, Kita juga boleh melayari internet untuk meluaskan pengetahuan kita secara lebih global.

4.0 PENGISIAN PROGRAM KONVENSYEN

Konvensyen ini akan berlangsung selama 2 hari dan di isi dengan ceramah motivasi, ceramah perdana, Forum Bicara Ulama, Forum Bestari serta Majlis Resolusi Ibu Bapa. Pengisiannya sangat menarik dan amat berguna kepada Tuan-tuan dan Puan-puan sekalian. Penampilan 7 orang Tokoh Penceramah tersohor yang handal-handal belaka dalam satu konvensyen perlu di ambil perhatian yang serius, bukan senang kita hendak mendapatkan ilmu yang begitu banyak dan berguna dalam masa 2 hari. Oleh itu, saya memohon Tuan-tuan dan Puan-puan supaya mengikuti setiap program yang telah diatitkan dan terimalah ilmu yang

11

disampaikan dengan sebaik mungkin untuk masa depan keluarga kita.

8.0 PENUTUP

Akhir kata, sekali lagi saya merakamkan setinggi-tinggi tahniah kepada Jawatankuasa Induk Konvensyen di atas usaha yang amat murni ini, moga-moga diberkati Allah S.W.T. Juga kepada YB Datuk Mohd. Hidhir bin Abu Hassan, Exco Pembangunan Desa dan Pertanian Melaka, Dato' Mohammad Izat Hasan, Ketua Pengarah RISDA serta JKKK Kg. Pulai dan semua Jabatan atas

12

sokongan dan kerjasama yang telah diberikan. Semoga Majlis ini memberi manfaat yang sepenuhnya kepada masyarakat luar bandar khususnya penduduk Kg.Pulai ini untuk lebih maju lagi di masa hadapan. Saya mendoakan agar Tuan-tuan dan Puan akan terus maju dan meningkatkan pengetahuan dan akan mempraktikkan apa yang diperolehi dalam konvensyen ini. Azam dan kerjasama dari semua akan dapat menjayakan aktiviti pembangunan luar bandar dan semoga Tuan-tuan dan puan-puan akan terus cemerlang dalam mengharungi kehidupan yang lebih sejahtera.

13

Dengan kata-kata ini dan dengan lafaz 'Bismillahirrahmanirrahim' saya merasmikan **Konvensyen Mari Belajar Peringkat Negeri Melaka 2008**

Sekian. Wabillahi taufik Walhidayah Wsb.

14